



ՄԱՍՆԱԳԻՏԱԿԱՆ ԿՐԹՈՒԹՅԱՆ
ՈՐԱԿԻ ԱՊԱՀՈՎՄԱՆ ԱԶԳԱՅԻՆ
ԿԵՆՏՐՈՆ ԳԻՄՆԱԴՐԱՄ

ANQA-2020/38

**ՀԱՎԱՏԱՐՄԱԳՐՄԱՆ ՀԱՆՁՆԱԺՈՂՈՎ
Ո Ր Ո Շ ՈՒ Մ
24 դեկտեմբերի 2020 թ. N 38**

**ՎԱՐԴԵՆԻՍԻ ԲԺՇԿԱ-ՀՈՒՄԱՆԻՏԱՐ ՔՈՒԵԶԻ ԻՆՍՏԻՏՈՒՑԻՈՆԱԼ ԿԱՐՈՂՈՒԹՅՈՒՆՆԵՐԻ
ՀԱՎԱՏԱՐՄԱԳՐՄԱՆ ՄԱՍԻՆ**

Ընդհանուր տեղեկություն հաստատության մասին

Հաստատության լրիվ անվանումը՝ Վարդենիսի բժշկա-հումանիտար քոլեջ
Գործունեության հասցեն՝ Հայաստանի Հանրապետություն, քաղաք Վարդենիս,
փողոց Վ. Համբարձումյան, շենք 19

Նախորդ հավատարմագրման մասին
որոշումը և ժամկետը՝ չի ունեցել

«Մասնագիտական կրթության որակի ապահովման ազգային կենտրոն» հիմնադրամի Հավատարմագրման հանձնաժողովը (այսուհետ՝ Հանձնաժողով), ղեկավարվելով ՀՀ կառավարության 2011 թվականի հունիսի 30-ի N 978-Ն որոշմամբ հաստատված «ՀՀ մասնագիտական կրթական ծրագրեր իրականացնող ուսումնական հաստատությունների և դրանց մասնագիտությունների պետական հավատարմագրման» կարգով, «ՀՀ մասնագիտական կրթության հավատարմագրման չափանիշները հաստատելու մասին» 2011 թվականի հունիսի 30-ի N 959-Ն որոշմամբ, «Մասնագիտական կրթության որակի ապահովման ազգային կենտրոն» հիմնադրամի (այսուհետ՝ ՈԱԱԿ) հավատարմագրման հանձնաժողովի ձևավորման և գործունեության ընթացակարգով և «Մասնագիտական կրթության որակի ապահովման ազգային կենտրոն» հիմնադրամի փորձագիտական խմբի ձևավորման կարգով, 24.12.20թ. -ի Հանձնաժողովի նիստում քննարկեց Վարդենիսի բժշկա-հումանիտար քոլեջի ինստիտուցիոնալ կարողությունների հավատարմագրման հարցը:

Հանձնաժողովը, ուսումնասիրելով Վարդենիսի բժշկա-հումանիտար քոլեջի կողմից ներկայացված ինստիտուցիոնալ կարողությունների ինքնավերլուծությունը, զեկույցի նախնական տարբերակի վերաբերյալ քոլեջի դիտողությունները և առաջարկությունները, փորձագիտական զեկույցը, զեկույցում նշված թերությունների վերացման գործողությունների ծրագիրը, լսելով քոլեջի փորձագիտական գնահատման վերաբերյալ Հանձնաժողովի նախագահի կողմից ընտրված երեք անդամների եզրակացությունները, որոնք ձևավորվել են փորձագիտական խմբի անդամների և ուսումնական հաստատության ներկայացուցիչների հետ հանդիպումների արդյունքում, ինչպես նաև Հանձնաժողովի անդամների դիտարկումներն ու առաջարկությունները, ամրագրեց հետևյալը.

Հավատարմագրման գործընթացի հիմնական փուլերն իրականացվել են հետևյալ ժամկետներում.

դիմում-հայտի ներկայացում	22 հունվարի 2019
բուհի ինքնավերլուծության ներկայացում	23 օգոստոսի 2019
փորձագիտական այցի իրականացում	11-13 դեկտեմբերի 2019
փորձագիտական զեկույցի ներկայացում	16 մարտի 2020
թերությունների վերացման ծրագրի ներկայացում	25 մարտի 2020

Վարդենիսի բժշկա-հումանիտար քոլեջի ինստիտուցիոնալ կարողությունների փորձաքննությունն իրականացրել է «Մասնագիտական կրթության որակի ապահովման ազգային կենտրոն» հիմնադրամի փորձագիտական խմբի ձևավորման կարգ»-ի պահանջներին համապատասխան ձևավորված անկախ փորձագետների խումբը: Գնահատումը կատարվել է ՀՀ կառավարության 2011 թվականի հունիսի 30-ի N 959-Ն որոշմամբ հաստատված ինստիտուցիոնալ հավատարմագրման 10 չափանիշներով:

Ինստիտուցիոնալ հավատարմագրման 10 չափանիշներից 4-ը՝ «Կառավարում և վարչարարություն», «Հետազոտություն և զարգացում», «Արտաքին կապեր և միջազգայնացում» և «Որակի ներքին ապահովման համակարգ», գնահատվել են անբավարար:

Գնահատումն իրականացնելիս հաշվի է առնվել, որ Վարդենիսի բժշկա-հումանիտար քոլեջը, իր առաքելության համաձայն ապահովում է տարածաշրջանը կարևոր նշանակություն ունեցող բժշկական կադրերով, ինչպես նաև գրադարանավարներ է պատրաստում շրջանի դպրոցների համար: Ներքին և արտաքին շահակիցները ընդգծում են քոլեջի գործունեության կարևորությունը Վարդենիսի և հարակից սահմանամերձ գյուղերի համար: Քոլեջում կրթություն են ստանում Վարդենիսի 20 համայնքներից ուսանողներ:

1) ՄԿԾ-ները նկարագրված են լիազոր մարմնի կողմից հաստատված Պետական կրթական չափորոշիչներով, որոնք հիմնվում են գիտելիքի, հմտությունների և կոմպետենցիաների ոլորտներում չափելի վերջնարդյունքների վրա: Քոլեջի կողմից մշակված դասընթացների ծրագրերի վերջնարդյունքները հիմնականում համապատասխանում են ՄԿԾ վերջնարդյունքներին:

Անհրաժեշտ է ժամանակ առ ժամանակ արդիականացնել ՄԿԾ-ները, վերանայել առարկայական ծրագրերը, ունենալ մշտադիտարկման հուսալի մեխանիզմներ:

Ընդհանուր առմամբ քոլեջը մասնագիտական կրթական ծրագրերի իրականացման և ուսանողների ուսումնառության համար ստեղծել է բարենպաստ միջավայր, սահմանել է չափազանց ցածր ուսման վարձավճարներ և տրանսպորտային միջոց է տրամադրում գյուղերից Վարդենիս ուսանողների տեղափոխման համար: Կրթական գործընթացի իրականացման համար հաստատությունը գործատուների աջակցությամբ հիմնականում ապահովված է անհրաժեշտ ռեսուրսներով:

Քոլեջում դասավանդում են տարածաշրջանի ճանաչված բժիշկներ, ուսանողներն իրենց փորձուսուցումը անցնում են Վարդենիսի բուժհիմնարկներում: Դա հնարավորություն է տալիս, որ ուսանողները ձեռք բերեն աշխատաշուկայում առավել պահանջված գործնական հմտություններ:

Որակավորումների արժանահավատ շնորվման տեսանկյունից քոլեջում առկա են առաջխաղացման միտումներ և օրինակներ, սակայն դեռևս խնդիրներ և ռիսկեր կան:

2) Քոլեջում դեռևս բացակայում է ռազմավարական կառավարումը, թեպետ առաջին քայլերը արդեն արվել են՝ մշակվել է ռազմավարական ծրագիր, մեխանիզմներ իր գործունեության արդյունավետությունը և ռազմավարական նպատակների առաջընթացը գնահատելու նպատակով: Այնուամենայնիվ քոլեջը պետք է ավելի արդյունավետ մեխանիզմներ և գործիքակազմ ներդնի կառավարումը ՊԻԳԲ շրջափուլով իրականացնելու համար: Բարելավման պլանում քոլեջը դա նախատեսել է: Որոշումները կայացնելիս քոլեջը չի հիմնվում ներքին և արտաքին գործոնների համակողմանի վերլուծության վրա, ինչը հնարավորություն չի տալիս մեղմացնել արտաքին ռիսկերը և օգտվել հնարավորություններից: Որակի ապահովման համակարգը ձևավորման փուլում է:

Կառավարումն ու որակի ապահովման համակարգերը ձևավորման փուլում են, սակայն առկա են զարգացման միտումներ և կառավարումը միտված է որակի բարելավմանը, որակավորումների արժանահավատ շնորհմանը:

3) Քոլեջը դեռևս չի հստակեցրել՝ ինչ է իր համար հետազոտությունը, այդ պատճառով քննադատական մտածողության և հետազոտական կարողությունների ձևավորման ուղղությամբ տարվող աշխատանքը ունի թերություններ և համակարգված չէ:

Քոլեջը բավականին ծավալուն կապեր ունի մարզի և տարածաշրջանի աշխատաշուկայի մասնակիցների հետ, ինչը հնարավորություն է տալիս շարունակական կապ ունենալ և արձագանքել աշխատաշուկայի զարգացումներին: Սակայն միջազգայնացմանը նպաստող քայլեր դեռևս չեն իրականացվում:

Միջազգայնացումն ու հետազոտական գործունեությունը բավարար չեն աջակցում որակավորումների արժանահավատ շնորհմանը:

4. Փորձագիտական զեկույցում նշված թերություններն առանցքային են որակավորումների արժանահավատ շնորհման տեսանկյունից, միաժամանակ հիմքեր ստեղծված են բարելավումների համար:

5. Փորձագիտական զեկույցում նշված թերությունների վերացման քոլեջի կողմից ներկայացված ծրագրի մեծ մասի իրականացումը ռիսկեր չի պարունակում: Ծրագրով սահմանված արդյունքների ձեռքբերումը կարող է նպաստել քոլեջի գործունեության տարբեր ոլորտներում առկա խնդիրների լուծմանը՝ երաշխավորելով հաստատության կայուն առաջընթացը:

Ելնելով վերը նշվածից, Հավատարմագրման Հանձնաժողովը բաց քվեարկության արդյունքում

ՈՐՈՇԵՑ

1. «Վարդենիսի բժշկա-հումանիտար քոլեջ» ՍՊԸ-ին շնորհել պայմանական ինստիտուցիոնալ հավատարմագրում 2 /երկու/ տարի ժամկետով:
2. Հավատարմագրում շնորհելու որոշման հրապարակումից հետո՝ երկամսյա ժամկետում ՈԱԱԿ-ին ներկայացնել փորձագիտական զեկույցում նշված թերությունների վերացման վերանայված ծրագիր և համապատասխան ժամանակացույց՝ հաշվի առնելով:

ա) «Կառավարում և վարչարարություն», «Հետազոտություն և զարգացում», «Արտաքին կապեր և միջազգայնացում» և «Որակի ներքին ապահովման համակարգ» ոլորտներում

առկա խնդիրներին առաջնահերթ լուծում տալու անհրաժեշտությունը,
բ) քոլեջի կողմից իրականացվող գործընթացների արդյունավետության գնահատման
առաջընթացի քանակական ցուցիչներ ունենալու պահանջը,

գ) քոլեջի կողմից իրականացվող գործընթացների իրականացման և գնահատման համար
նախաանշված ժամկետների և նախատեսվող ֆինանսական միջոցների չափի հստակեցման
անհրաժեշտությունը:

3. «ՀՀ մասնագիտական կրթական ծրագրեր իրականացնող ուսումնական
հաստատությունների և դրանց մասնագիտությունների պետական հավատարմագրման
կարգ»-ի 12-րդ կետի պահանջներին համապատասխան 6 ամիսը մեկ անգամ ՈԱԱԿ-ին
գրավոր զեկույց ներկայացնել իրականացված գործողությունների արդյունքների վերաբերյալ՝
գնահատելով ակադեմիայի գործունեության բարելավումը, նորարարություններն ու
ձեռքբերումները:


4. Հանձնարարել ՈԱԱԿ-ին պարտադիր մշտադիտարկման ենթարկել Վարդենիսի բժշկա-
հումանիտար քոլեջի գործունեության արդյունավետությունն՝ ըստ առաջընթացի
առանցքային ցուցիչների:

Հավատարմագրման Հանձնաժողովի

նախագահ

2020 թ., դեկտեմբերի 24

ք.Երևան



Ա. Սարգսյան